

請提問如此庶可杜侵漁之原革擾害之弊緣係通行禁約事  
理未敢擅便具題次日奉

聖旨是欽此

禁約私債准折田土等項例

成化五年十一月二十九日禮部等衙門尚書等題為建言民情  
事該知府等官人等是銓等建言民情事件遵  
奉

欽依會議得除有例見行及泛言難准外數內一百八十件合准所  
言宜從吏部等衙門查勘定奪施行奏奉

聖旨是欽此欽遵

計開

一禁豪民謀占小戶田產及招納教師聚衆擲打  
江東臨江府新塗縣民人謝廷碩言本處自等土

豪之民置有庄田房屋或二十餘處其心  
猶有不足一見附近人民有好山園陸地  
輒起謀心將連年錢債展轉違例取息害  
迫至極貧民無從納還只得將前園田地  
并房屋寫作賣地甚至受害不過又有虛  
寫文契一夕棄家逃走遺下產業豪民即行  
管業誑敢言辯通前自置田宅招納去安府  
州等府屬縣逃民并軍匠人等分佈各庄住  
坐無異僕隸豪民一出輒令扛擡四人坐轎跟  
跟隨馬匹前呼後擁勢如狼虎入行雇覓高  
手教師教習武藝但與鄉人開打豪民一呼  
衆皆奔至各執爬頭鎗刀鉄鞭竹竿等器有如  
大軍行陣勝則殺牛置酒歌飲喧聲沸野其有

殺傷人命許告到官俱被積年浸潤情熟故  
行問擬運米擺站遮掩其罪豪民愈加得志他  
日寧家無意外之慮乞

勅該部轉行江西布政司差委堂上官一員分令各府縣廉正官  
各一員單夫馬匹循行阡陌之間出給告示三箇  
月內許令逃戶前後自首還故上免其差徭  
三年善加撫恤所有被人占去田宅悉與判還  
本主仍取具各該里老隣佑人等保結繳部查  
勘其家逃民教師今後敢有聚集借用各項  
器械廝打者官司鞫問明白將受惡依律科斷  
庶使豪強斂跡良善獲安

前件法司行勘禁約

成化六年三月二十日吏部尚書 等題為申明

舊制禁約事

計開

一各處訪得聽選官吏監生人等中間賢智之士固多  
其間亦有無知不才之徒悞崇狗苟以圖僥倖遂  
致小人窺視乘機哄誘或假說投託某衙門官  
轉與方便或詐稱吏部官鄉親可與囑託求計  
某官處巧捏情詞誑騙財物入己幸而偶中需  
索無厭若或不成亦侵其半及行選後尋訪  
好處官員鑒空架說勒要財物此等之徒阻懷  
違法污累官府最為害事又有等官吏監生  
恣行無賴浪費已資囊篋空虛多有揭取銀兩  
布絹及酒肉米麵食用無度積火成多或至一二  
百兩者擬約選後措還又出榜一出三五成群等收